



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Vita Ioannis Berchmanni Flandro-Belgæ Religiosi
Societatis Iesv**

Cepari, Virgilio

Antverpiæ, 1630

Reliquias B. Aloysij sibi datas honorat.

[urn:nbn:de:hbz:466:1-46083](#)

beret is qui fuerat Ioannis in Tyrocinio Magister, multi ei gratulabantur tam insigni discipulo, quem Tyronem instituisset, quique tam egregiae indolis specimen, tam suauem virtutis suae odorem, quaquam iter tenuerat, late dissipasset. Lauretum ambo venere perugilio Dominici Natalis; visitatoque Sacrario illo, in quo Verbum diuinum humanis sese induit artubus, coepit Ioannes cum Collegij Ministro agere de sanctimoniam beati Aloysij Gonzagæ, deque suo quo ardebat visendi sepulchri eius desiderio narrare.

*Reliquias
B. Aloysii
fibi datas
honorat.*

*Orantis
habitus ac
religio.*

Tum Minister particulam ei Reliquiarum beati Aloysij est impertitus; quam ille veneratione summam iuxta ac gratitudinis significatione accepit. Nocte Natalem praecedente, etiamsi itineris longinquitate fatigatus, etate simul conditioneque naturæ infirmus, interesse tamen voluit cærimonijs Matutinis, quæ Religione maximam rituque solemini in Æde Lauretanâ peraguntur. Interfuit autem genibus perpetuo nixus, oculis numquam sublatis, corpore immoto, tantam religionis, tantam collecti animi significatione, ut omnes conuersis in eum oculis rapti, mox etiam intentis digitis admirabundi alter alteri eum commonstrarent. Nonnulli considerato externo illo indolis habitu, suspicati ab eo de industria plus solito modestia sumptum,